

道門科範大全集卷之七十九八十 甲八

廣成先生杜光庭 別

東嶽濟度拜章大醮儀

陞壇法事如式

庭參

具位臣其等謹焚道香德香無為自然香虔誠啓請

虛無自然金闕七寶上帝東宮教主太乙救苦天尊傳經演教歷代師真東嶽泰山天齊仁聖帝淑明皇后太子貴妃殿上炳靈公西齊靈王嶽下文武考校一切曹僚三界應感一切真靈悉仗真香普同供養臣等伏以無私洪覆雖持變化之權有生羣黎不無仁鄙之異霄壤相去八萬里在庶品難以周知境域肇有十二州寶鬼神司其封守察知作善而作惡用是主死而主生苟懷畏懼之心當盡皈投之志冒罪奏為宣其諸情悃已對敷宣伏願天齊仁聖帝洪恩下沛誠有感而遂通聖眷俯臨神無方而來應擁群司而雷監同眾聖以雲臨暫離齋獄之居降赴香筵

之請憫見世嚮哀之志拔已亡負罪之魂俾得脫於幽牢庶獲登於道岸今則壇場肇啓儀範初行引領既切於瞻依注想實深於如在惟企仙游之至克諧齋事之成臣等下情無任啓請之至以聞

說戒

科曰道以齋為先蓋古者祭祀必有齋齋必有戒先戒而後齋所謂七日戒而三日齋也散齋七日謂之戒戒者所以恭依準繩不犯非僻動遵戒律無有愆違也致齋三日謂之齋齋者所以齋潔心神清滌思慮專致其精而求交神明也周官太宰之職祀五帝則掌百官之誓戒前期十日帥執事而卜日遂戒又以大司寇蒞誓百官戒于百族夫以太宰掌治之官戒之所以重其事以大司寇掌刑之官蒞之所以致其嚴禮記郊特牲亦言卜郊之日王立於澤親聽誓命受教諫之義也獻命庫門之內戒百官也太廟之命戒百姓也古人求交於神明嚴其戒重其齋如此故祀圓立而天神降祭方澤而地祇出格祖廟

而鬼神享雖然為祭祀之齋非心齋也昔顏回受祖於夫子自謂不飲酒不如葷者數月而夫子未許之以心齋欲其無聽之以耳而聽之以心無聽之以心而聽之以氣氣者虛而待物惟道集虛虛者心齋周易有云聖人以此洗心退藏於密齋戒以神其德蓋賢人受道於聖人而聖人與神明合德者必心齋而得道故知祭祀之際而後可以求心齋則神明生與道合矣後世道家設醮而謂之齋蓋以五經所載祭祀之齋異名而同歸其致一也今則東嶽之齋上請九品高真降臨壇位天齊仁聖帝者覽齋功德感格冥司拯拔罪魂天神於此而降地祇於此而出人鬼於此而享今因齋而說戒合壇之人先受戒約一歷耳根永為道種即當檢束身心屏絕外念存想至真使啓奏得行祈禱必應矣天專所言真科所傳今舉七條眾當信受
第一戒者不得殺害憫念有情如己身命殺生之人有六種報一者短命二者多病三者醜陋四者形殘五者地獄苦報六者受

六畜身價他骨肉今者不得於道場前後殺害眾生

第二戒者不得嗜酒嗜酒之人有四種罪一

者見世妨夫二者善法不行三者多生睡

眠四者顛狂昏亂今者不得於道場中嗜

酒淫逸觸忤高真

第三戒者不得生叛背心言不忠直不忠之

罪有五種報一者見被苦刑二者破家滅

族三者處地獄報四者得虎狼身五者生

在邊地心無自在今者於道場中常行忠

直以俟藻鑒

第四戒者不得無孝順心違逆父母不孝之

罪有五種報一者王法所加二者有情棄

薄三者地獄受苦四者受鳥巢身迺相殘

害五者既及人身貧寒困苦今者聞戒之

後常持孝心以俟天聽

第五戒者常行慈心若見眾生臨命終時為

作功德昆蟲草木尤不可傷愛老憐貧薄

度一切使不虛今日道場聽聞戒法之命

第六戒者不得誹謗三寶及有道師尊乃至

在家出家一切道像誹謗之罪有四種報

一者常遭惡疾二者死拘幽夜三者舌根

乖疎四者常值冤家人不愛敬今者身遇

說戒之後常當恭敬三寶積行累功

第七戒者今日道場之中常當恭敬不得懈

怠當須勉勵內外精勤日夜乾乾母怠母

怠勤則利有怠則利無自利利他便趨真

極

已上七戒合道場人能持否

天尊言大道弟子受真戒者次當發願使我

戒根牢固如崑崙山戒行端嚴如玉京殿戒

光明照如日月珠動行精進安樂道場至真

三清為我本源以戒為師無陷邪教昔有道

士二萬六千人持奉經戒專心不退依法修

行十二年中地司保舉諸天奏名一百年中

白日昇天又有七萬二千女子不奉經戒反

行毀謗見世受苦死入九幽是知奉戒功德

不可思議破戒惡業難獲赦原況今日道場

專以解過滌愆拔亡度死持戒修齋尤當精

進諸天童子金剛神王三界五帝神仙兵馬

皆來侍衛況泰山之中有三宮空洞之天神

房阿閣金床玉几皆群仙所集若能恪遵上

件戒法則東嶽司命上卿佑聖真君與百靈

眾真降臨道場紀錄齋功原赦罪魂若怠慢

不恭破齋壞戒不足以濟度先亡轉為地官

所罰當受風刀之苦同壇之士審而行之巨

等無任激切之至謹啓以聞

道門科範大全集卷之七十九